



# ONDARROAKO KIROLARIAK HISTORIAN ZEHAR EGITASMOA

## 2013 URTEKO BEKA: ONDARROA ARRAUN ELKARTEAREN HISTORIA



Ondarroako Udalak, "ONDARROAKO KIROLARIAK HISTORIAN ZEHAR" deituriko ekimena abian jarri du bigarren urtez, eta ONDARROA ARRAUN ELKARTEAK daraman berrogei urteko ibilbidea jasoko duen ikerketa-bekarako deia egiten du.

Ikerketa esparrua honako hau da: ONDARROA ARRAUN ELKARTEAREN sorrera eta bereziki kirol arloan izan duen ibilbide luzearen ingurukoak.

### 1. BEKAREN EZAUGARRIAK

- Proiektua, azterlana eta memoria euskaraz burutuko dira.
- Bekaren iraupena gehienez 6 hilabetekoa izango da, beka esleitzen den egunetik hasita.
- Beka honen diru zenbatekoa 3.000 eurokoa izango da.

### 2. ESKATZAILEAK

- Beka norbanakoek jaso ahal izango dute.
- Eskatzaileak bere euskarako gaitasuna frogatu beharko du EGA edo baliokide den titulu edo diploma bidez.

### 3. ESKABIDEETARAKO ARAUAK

Interesatuak eskaria egiteko eskabide-orka, Kirol Sailean (Musika plaza, z/g) eskuratu behar dute eta epe barruan aurkeztu, behar den bezala beteta eta ondorengo agiri hauekin batera:

- Eskatzaileen nortasun agiriaren fotokopia bat.
- Titulazio akademiko zehaztua eta osatua.
- Curriculum vitae.
- Gaiaren azalpena eta lana zelan burutuko litzatekeen azaltzen duen proiektua, ahalik eta zehatzena (5 orrialdekoa gehienez), ondokoak azalduz:
  - Lanaren ikerketa esparrua.
  - Ikertzailearen aurreko esperientzia.
  - Helburuak.
  - Materialak, baliabideak eta lan metodologia.
  - Lana garatzeko kronograma.
  - Aurreikusitako emaitzak eta horien interesa.

### 4. DOKUMENTAZIOA AURKEZTEKO LEKUA ETA EPEA

- Dokumentazioa Ondarroako Udaletxeko erregistroan aurkeztu behar da (kantoipe kalea 3).
- Eskaerak eta gainontzeko agiriak aurkezteko epea 2013ko martxoaren 18etik apirilaren 5era arte egongo da zabalik, biak barne.
- Eskatzaileak aurkeztutako dokumentazioa osatu gabe dagoela edo oinarri hauetan eskatutako baldintzak ez dituela betetzen ikusiz gero, hamar eguneko epean konpondu edo beharrezko agiriak ekar ditzala eskatuko zaio interesatuari.
- Bide batez, hala egingo ez balu eskaeran atzera egin duela ulertuko dela jakinaraziko zaio, Herri Administrazioen Araubide Juridikoaren eta Administrazio Prozedura Erkidearen 30/1992 Legeko 71.1 artikuluan aurreikusitakoaren arabera.

### 5. ESLEIPEN PROZEDURA

- Beka hau Ondarroako Alkateak esleituko du, apirilaren bukaera aldera, epaimahaiaren proposamena jaso ondoren.
- Proposamen hori epaimahaiak epaitutako merezimendu lehiaketa baten emaitza oinarritzat hartuta egingo da.
- Erabakia aurkeztu diren guztiei jakinaraziko zaie.
- Honako hauek osatuko dute epaimahaia:
  - Batzordeburua: Alkatea.
  - Batzordekideak: Udaleko idazkaria, Bilduko ordezkari bi eta EAJ-PNV ko ordezkari bat.
  - Idazkaria: Kultura eta kirol saileko administraria.
- Eskatzaileek aurkeztutako dokumentazioa aztertu ondoren, epaimahaiak informazio osagarria eskatu dezake edo/eta hautagai batzuk proiektua defendatzera dei ditzake.
- Honako alderdi hauek hartuko dira aukeraketarako irizpide nagusitzat:
  - Eskatzailearen espediente akademikoa eta bere curriculum (0-10 puntu).

- Ikerketa proiektuaren interesa, zuzentasun eta balio zientifikoa (0-20 puntu).
- Originaltasuna eta bideragarritasuna (0-10 puntu).

- Puntuaketa:

- Eskatzailearen puntuazioa, epaimahaikide bakoitzaren puntuak gehitu eta batez bestekoa izango da.
- Epaimahaikide guztiek dute hitz egiteko eta puntuazioa jartzeko eskubidea.
- Puntu gehien duenari esleituko zaio beka eta horrek hartuko ez balu, hurrengoari proposatuko zaio.
- Hala ere, epaimahaikak bekarik ez emateko proposamena egin dezake, lanen kalitatea nahikoa ez dela uste badu.

## 6. BEKADUNEN BETEBEHARRAK

- Bekaren onarpena adieraztea eta sinatzea emakida jakinarazi eta 10 eguneko epean.
- Ondarroako Udalaren esku egotea egindako lanen ohar, zirriborro, aurrerapen eta emaitzak.
- Aurreikusitako planaren aldaketan berri ematea. Halakorik ezingo da egin Ondarroako Udalaren baimenik gabe.
- Bekaren amaieran memoria (ikerlanaren azken erredakzioa) aurkeztea. Lan horren ale bat entregatuko da, tarte bikoitzez mekanografiaturik, koerlatiboki orrialdeztatua eta koadernaturik, baita euskarri informatikoan ere.
- Ikerlana entregatzeko azken epea betetzen ez bada, justifikazio edo gainditu ezinezko arrazoirik gabe, penalizatu ahal izango da. Epaimahaikak erabakiko du emandako arrazoiak nahikoak diren ala ez. Bekaren %10ko murrizketarekin ahal izango da, hil bakoitzeko atzerapenagatik.
- Lanaren luzera gutxienez 100 orrialdekoa izan beharko du.
- Egileak 30 lerro inguruko laburpena eta edukiaren berri ematen duten deskribatzaileak erantsiko ditu (euskaraz).
- Egileak bekarako lana bukatutakoan, jendaurrean aurkeztu beharko du, horretarako Ondarroako Udala eta lanaren egilearen artean eguna eta ordua adostuta.

## 7. ORDAINKETAK

- Ordainketa modu honetan egingo da, izapide administratiboak burutu ondoren:
  - Kopuru osoaren %40a, beka ematen den une berean, aurreordainketa moduan.
  - Kopuru osoaren %50a, bekaren bukaeran, lana aurkeztu eta epaimahaikak onatzen eman ondoren.
  - Gainontzeko %10a, adostutako egunean jendaurrean aurkeztu ondoren.
- Lana amaituko ez balitz, bekadunak jasotako diru guztia itzuli beharko lioke udalari.
- Ikerlanak sor ditzakeen gastuak bekadunaren kontura joango dira.

## 8. LANEN JABETZA

- Lanen jabea Ondarroako Udala izango da. Udalak berarentzat gordetzen du ikerketak osoki edo/eta partzialki erreproduzitu, argitaratu eta plazaratzeko eskubidea, bere kabuz edo beste erakunderen baten hitzarmenez, egoki deritzonenean. Beti ere, lanaren egilea aipatu beharko ditu.
- Sortutako materiala aurkeztu eta urte bateko epean Udalak argitaratu ez badu, egileak material hori erabili ahal izango du egokien iruditzen zaiona egiteko. Egileak edo egileek orduan, jasotako bekaren aipamena egin beharko du (bekaren eta beka eman duen erakundearen eta laguntzailearen izenak jarritz) eta Udalari argitaratutako lanaren 10 ale eman beharko dizkio.

## 9. GORABEHERAK

- Ondarroako Udalak betebeharrak hauekin aurreikusitako gabeko gorabeherak konpondu ahal izango ditu. Era berean, beka indarririk gabe utzi ahal izango du, onuradunak betebeharrak hauekin egin beharrekoak betetzeke lagako balitu.
- Deialdi honetan parte hartzeak oinarri hauek onartzea dakar.

# ONDARROAKO UDALA



**-KIROI BATZORDEA-**